

四庫全書

史部

欽定四庫全書

大金集禮卷三十六

宣聖廟

祀儀

雜錄

祀儀

皇統元年二月戊午日帝詣文宣王廟奠祭北面再拜
謂儒臣曰為善不可不勉孔子雖無位以其道可尊使
萬世高仰如此

大定十四年正月六日以國子監申請每年春秋仲
月上丁日釋奠於文宣王案典禮合用蓬豆俎牯簋
蓋罍尊等為祭器實以豕羊牲體鹿鶩醢等為祭
酌獻杓爵壘洗篚箱皆有制度獻官拜跪登廟降階
皆有節次學生各執事廟庭奏大樂三獻官并分獻
以次行禮畢焚祝與幣今每遇釋奠官破本監房錢
六十貫支用非輕止造茶食等物以大小椀楪排設
用留司樂以樂工為禮生率倉場等官陪位似未合

古禮伏覲國家承平日久典章文物當燦然備具以
光萬世況京師為首善之地四方之所觀仰據釋奠
合用器物以至行禮次序有無行下詳定兼究國公
親承聖教者也鄒國公扶聖教者也當俱在廟於宣
聖像左右列之今孟子以燕服在後堂宣聖像側還
虛一位未見應禮有無遷孟子像於宣聖右與顏子
相對據改塑冠冕粧飾法取於本監房錢內支破本
部下太常寺檢討擬定下項蒙准呈外借差樂工一

節再勘當即日大成殿文宣王塑像冠十二旒服十
二章兗國公像冠九旒服九章勘當到唐郊祀錄開
元二十七年八月下詔追謚孔子為文宣王仍內出
王者袞冕之服以衣之按周禮王者之服袞冕十有
二旒其服十有二章諸公之纁旒九就今文宣王兗
國公冠服已依典故其鄒國公合與兗國公一體裝塑
九章服擬遷鄒國公神像於宣聖之右與兗國公相對
准上冠冕裝塑檢討到唐開元禮叅酌擬定釋奠禮數

合用祭器內文宣王兗國公鄒國公每位邊豆各十犧
尊一象尊一簠簋各二俎二祝板各一皆設案七十二
賢二十一先儒每位各邊一豆一爵一兩廡各設象尊
二總用邊豆各一百二十三簠簋各六俎六犧尊三象
尊七爵九十四其尊皆有坩壘二洗二篚勺各二罍六
正位并從祀藉尊壘俎豆席約用三十領

尊席用葦俎
豆席用莞

每祭用羊三豕三酒二十瓶檢討到唐開元禮釋奠用軒
懸後又用宮懸契勘釋奠係中祀似大重今擬只用登

歌似為相應并契勘到合用樂工三十九人及樂曲迎

神三奏

送神同

沽洗宮初獻盥洗沽洗宮初獻升殿

降同其曲

名與盥洗同

南呂宮奠幣沽洗宮正配位酌獻亞終獻通用

沽洗宮及合用樂器等擬於大樂署附餘內借用祝板

國子監計置用初獻官銜祝文令本監定撰書填攝官

並部差祭酒司業博士為三獻官

禮部太常寺國子監官充攝

分奠

官二讀祝官一太官令一捧祝官二

八品官內選

差壘洗官

一爵洗官一巾篚官二

學生內選差

大樂令一

本署官充

禮直官

十一

三人克禮直官
八人克贊者

其餘學生儒服陪位國子監預於

隔季以仲春仲秋釋奠至聖文宣王報太常寺太常寺
具時散告

前釋奠三日應行事執事官散齋二日治事如故宿於
正寢不吊喪問疾作樂判署刑殺文書決罰罪人及預
穢惡致齋一日於本司

質明至
齋所

唯釋奠事得行其餘悉

禁已齋而闕者通攝行事

前三日所司設行事執事官次於祠所前一日太官令

陳禮饌於殿之東南向牽牲詣祠所太常設省饌位於禮饌之南三獻官在南北向西上分奠官位於其後大樂令太祝太官令在東西向北上

位皆稍却

大樂令設登歌

之樂於殿上前楹間稍南北向釋奠日丑前五刻禮直官贊者諸司職掌各服其服設祝版各於神位之右置於坵次設祭器皆藉以席太官令實之

正位至聖文宣王配位堯國公

顏子鄒國公孟子每位各左十籩為三行以右為上

第一行乾籩在前乾

棗形鹽魚鱠次之第二行鹿脯在前榛實乾桃次之第三行芟在前芡栗次之右十豆為三行

以左為上

第一行芹菹在前荀菹葵菹菁菹次之第二行韭菹在前魚醢兔醢次之第三行豚胎在

前鹿醢醢醢次之

俎二一在邊前

實以羊腥七體兩髀兩肩兩脇并脊兩脾在兩端兩肩兩

腸次之

一在豆前

實以豕腥七體其載如羊

簠二簠二在邊豆外二

俎間簠在左簋在右

簠實以稻梁梁在稻前簋實以黍稷稷在黍前

又設犧尊

象尊在殿上前楹間北向西上皆有坫加勺罍為酌尊

犧尊一

實以泛齊初獻酌之

象尊一

實以醴齊亞終獻酌之並代以法酒

俱北向西

上加罍藉以席又設諸從祀位祭器左一邊

實以鹿脯右一

豆

實以鹿脯

爵一在邊豆之南兩廡各設象尊二

實以法酒設燭

於神位前洗二於東階之東

盥洗在東
爵洗在西

壘在洗東加勺

篚在洗西南肆實以巾

若爵洗之篚則
實以爵加玷

執壘篚者位於

其後設楫位於南神門外三獻官在西東向分奠官位

於其後大樂令太祝太官令在東西向俱北上開瘞坎

於殿西北壬地方深取足容物南出陞設望瘞位於瘞

坎之南如省饌之位

唯不設太
官令位

又設三獻官席位於殿

下東階之東西向北上分奠官位於其後大樂令席位

於殿之南北向太祝太官令位於其後俱西上陪位生

員位於其後俱北向西上太祝在東西向北上大樂令於樂廡北太官令於酌尊所俱北向

前一日行事執事官集初獻齋所肆儀太祝習讀祝文次禮直贊者分引行事執事就省饌位

凡初獻行事禮直官引餘皆贊

引者立定禮直官贊揖所司省饌具畢禮直官贊省饌畢揖訖俱還齋所次引三獻官詣厨省鑊視祭器滌漑及視牲充脂乃還齋所未明一刻太官令帥宰人以鶩刀割牲祝史以槃取毛血置饌所遂烹牲脯後有司帥其

屬掃除殿之內外訖還齋所

釋奠日丑前五刻行事

春用丑前五刻
秋用丑前一

初獻以下並赴

祠所就次太官令帥其屬實饌具畢次樂工升東階各入就位三獻官以下各服法服次引執事官詣南神門外揖位立定禮直官贊揖次引大樂令先入就殿下席位北向立贊者曰再拜大樂令再拜升殿次引太祝太官令入就殿下席位北向立次引三獻官入就殿下席位西向立禮直官稍前贊有司謹具請行事樂作三成

止贊者曰再拜在位者皆再拜次引太祝太官令俱升

殿各就位立定次引初獻官詣盥洗位樂作

凡初獻升降行事皆

作樂至洗位北向立樂止搯笏盥手帨手訖執笏樂作升

詣文宣王神位前北向立樂止搯笏跪執事者以幣授初

獻初獻受幣樂作奠訖執笏俯伏興少退再拜詣配位

前奠並如上儀樂止初獻降階樂作復位樂止少頃引

初獻再詣盥洗位北向立搯笏洗爵拭爵以爵授執事

者執笏樂作升詣正位酌尊所西向立樂止執事者以

爵授初獻初獻措笏執爵執尊者舉罍太官令酌犧尊之泛齊訖先詣充國公酌尊所北向立初獻以爵授執事者執笏樂作詣文宣王神位前北向立措笏跪執事者以爵授初獻初獻執爵三祭酒奠爵執笏俯伏興少立樂止次引太祝詣神位前東向措笏跪讀祝文讀訖執笏興先詣充國公神位前南向立初獻再拜次詣鄒國公神位前行禮並如上儀太官令復詣正位酌尊所太祝復位初獻將降階樂作復位樂止次引亞獻詣盥洗

位北向立搢笏盥手悅手執笏詣爵洗位北向立搢笏
洗爵拭爵以爵授執事者執笏升詣文宣王位酌尊所
西向立樂作執事者以爵授亞獻搢笏執爵執尊者舉
冪太官令酌象尊之醴齊訖先詣充國公位酌尊所北向
立亞獻以爵授執事者執笏升詣文宣王神位前北向
立搢笏跪執事者以爵授亞獻亞獻執爵三祭酒奠爵
執笏俯伏興少退再拜次詣配位行禮並如上儀止樂
降階復位次引終獻詣洗位升殿行禮並如亞獻之儀

降階復位初亞獻將升引分奠官詣洗位盥手悅手訖
分奠殿內及兩廡諸神位搯笏跪執爵三祭酒奠爵執
笏俯伏興再拜分奠訖俱降復位禮直官曰賜胙贊者
承傳曰賜胙再拜在位者皆再拜送神樂作一成止次
引三獻詣望瘞位有司各詣神位前取祝板置於瘞坎
又引大樂令太祝詣望瘞位立定禮直官曰可瘞實土
半坎初獻以下詣南神門外揖位立定禮直官贊禮畢
揖訖退太官令帥其屬徹禮饌乃退

即今不用大
樂令禮直官

十五年七月檢討到唐郊祀令并開元禮皆云日月星辰社稷鎮海瀆孔聖文宣並為中祀本朝祭太社太稷用大樂署樂工釋奠文宣王既與社稷並為中祀若依前項典故亦用大樂署樂工別無妨礙

十八年四月十七日又會勘到禮部談上丁釋奠命樂工習舞習吹今祭社稷之禮歌鐘歌磬據唐韓愈之論文宣王與社稷一體合用前件樂無疑本庫見有附餘可以就用禮部契勘太常寺所申檢討到典故其樂工

合於太常寺取用恐難准使前來釋奠止用留司樂工
擬令國子監取見有附餘鐘磬等修整只令留司樂工
習學依舊承應蒙准呈

大定二十二年十二月十三日因奏立宣聖廟碑奉勅
旨如差官祭奠有無典故奏知檢討到唐典故宣聖係
中祀春秋二仲月釋奠令三公攝行事開元二十七年
追謚文宣王命右丞相裴耀卿攝太尉就廟冊命畢奠
祭亦如釋奠之禮二十三年二月十三日奏奉勅旨差

右丞相致祭仍攝太尉祝版不御署二十三日省差直

學士呂忠翰攝祭酒充亞獻官待制任倜攝司業充終

獻官并光祿少卿一分奠官十監祭御史大樂令奉禮

郎差舍人讀祝太祝官各一捧祝官二太官令尊壘官奉

爵酒官盥洗官各一巾篚官二祝史三部令譯通事禮已上並部差

直官一十五贊者在內於二月二十九日行禮參酌開元禮

定到儀注准呈下項祝文合下學士院撰辭書寫訖以

付所司正位配位皇帝謹遣某官姓名尊號皇帝遣某官姓名

前致祭三日應行事執事官散齋二日治事如故唯不
以喪問疾不作樂不判署刑殺文書不行刑罰不預攝
祭致齋一日於本司無本司者於齋所唯享事得行其
餘悉斷其享官已齋而闕者通攝行事官及諸生皆清
齋於學館一宿

前二日所司設行事執事次於祠所前一日光祿少卿
陳禮饌於殿之東南向牽牲詣祀所太常少卿設省饌
位於禮饌之南獻官

國子祭
酒司業

在南北向西上分奠官位於

其後監祭御史在西東向光祿少卿奉禮郎太祝太官

令在東西向北上

九奉禮郎以下位皆稍却

大樂令設登歌之樂於

殿上前楹間稍南北向其日丑前五刻禮直官贊者諸

司職掌各服其服

法服闕則服公服

太常設幣篚各于神位之

左幣以

祝板各於神位之右置於坵設祭器皆藉以席光

祿卿實之每位各左十邊為三行以右為上

第一行乾蓀在前乾

黍形鹽魚鱗次之第二行鹿脯在前榛曾乾挑次之第三行菱在前芡栗次之

右十豆為三行

以左為上

第一行芹菹在前笋菹葵菹菁菹次之第二行韭菹在前魚醢兔醢次之第三行豚胎在

前鹿麋醢

俎二一在邊前

實以羊脰七體兩解兩肩兩脇并脊兩解在兩端兩肩兩

脇次之脊在中

一在豆前

實以豕脰七體其載如羊

又俎六在豆右為三行

以北為上

第一重一實以羊脰腸胃肺離肺一在上端刮肺三次之腸三胃三又次之一實以豕脰

膚九橫載第二重一實羊熟腸胃肺一實以豕熟膚其載如脰第三重一實以羊熟十一體肩臂膈肱脰正脊

一直脊一橫脊一長脇一短脇一代脇一皆二骨以並肩臂膈在上端肱脰在下端脊脇在中一實以豕熟十

一體其載如羊皆羊在左豕在右

簋二簋二在邊豆外二俎間簋在左

簋在右

簋實以稻梁梁在稻前簋實以黍稷稷在黍前

鉶三在邊豆間

一在前二在後

實以羹如毛滑

登二一在鉶前

實以羹太羹

一在邊左

實以肝骨

槃一在鉶

後

實以毛滑

設犧尊四象尊四為二重在殿上前楹間北向

西上犧尊在前皆有坫加勺幕為酌尊

犧尊一實明水為上尊餘實泛

齊代以供內法酒初獻酌之象尊一實明水為上尊餘實醴齊代以祀祭法酒亞終獻酌之

又設太

尊二山尊二在神位前

太尊一實泛齊山尊一實醴齊各以一尊實明水

著尊

二犧尊二象尊二壺尊六在殿下

著尊一實益齊犧尊一實醴齊象尊一實

沈齊各以一尊實明水壺尊三實玄酒三實三酒明水玄酒皆上

俱北向西上加幕五

齊三酒皆設而不酌藉以席又設諸從祀位祭器每位

各左二邊

桌在前鹿脯次之

右二豆

菁菹在前鹿鶩次之

俎一在邊豆間

實以羊豕腥肉 簋一在籩南實以稷 簋一在豆南實以黍 爵一在籩

豆之南兩廡間各設象尊二實以祀祭法酒 太常設燭於神位

前洗二於東階之東盥洗在東爵洗在西 壘在洗東加勺篚在洗

西南肆實以巾若爵洗之篚則又實以爵加拈 執壘篚者位其後設捐

位於南神門外三獻官在西東向分奠官位於其後監

祭御史大樂令奉禮郎太祝太官令在東西向俱北上

開瘞坎於殿西北壬地方深取足容物南出陞設望瘞

位於瘞坎之南如省饌之位唯不設太官令位 又設三獻官席

位於殿下東階之東西向北上分奠官位於其後監祭御史大樂令席位於殿之南北向奉禮郎太祝太官令位於其後俱西上光祿少卿席位於監祭御史之東陪位生員位於其後俱北向西上監祭御史位於殿上樂廡之北在西東向奉禮郎太祝在東西向北上大樂令於樂廡北太官令於酌尊所俱北向

前一日行事執事官集齋所肄儀太祝習讀祝文及視幣次禮直官贊者分引行事執事官就饌位立定禮直

宮贊揖所司省饌具畢禮直官贊省饌畢揖訖俱還齋
所次引監祭御史詣厨省鑊視祭器滌溉及視牲充膋
乃還齋所未後一刻太官令帥宰人以鷹刀割牲祝史
以簪取毛血置於饌所遂烹牲脯後有司帥其屬掃除
殿之内外訖還齋所

其日丑前五刻初獻以下並赴祀所就次太官令帥其
屬饗饌具畢次引光祿少卿入就殿下位北向立贊者
曰再拜光祿少卿再拜升自東階凡行事執事官
升降自東階點視

禮饌畢次引監祭御史升殿下閣除設糾察不如儀者

凡點視及點閱皆先詣正位

次樂正帥工人升東階各入就次光祿

少卿還齋所餘官各服祭服次引行事執事官詣南神門外揖位立定禮直官贊揖次引大樂令先入就殿下席位北向立贊者曰再拜大樂令再拜升殿就位次引監祭御史奉禮郎太祝太官令入就殿下席位北向立次引三獻官入就殿下席位西向立禮直官稍前贊有司謹具請行事樂作三成止贊者曰再拜在位者皆再

拜次引監祭御史奉禮郎太祝太官令俱升殿各就位
立定次引初獻詣盥洗位樂作至洗位北向立搯笏盥
手悅手執笏升詣文宣王神位前北向立樂止搯笏跪樂
作次引奉禮郎搯笏西向跪執事者以幣授奉禮郎奉
禮郎奉幣授初獻執笏興先詣文宣王神位前北向立
初獻受幣奠訖執笏俯伏興少退再拜次詣兗國公位
前次詣鄒國公位前奠幣並如上儀樂止奉禮郎復位
初獻將降階樂作復位樂止少頃引初獻再詣盥洗位

樂作至洗位北向立搯笏盥手悅手執笏詣爵洗位北
向立搯笏洗爵拭爵以爵授執事者執笏升詣正位酌
尊所西向立樂止執事者以爵授初獻初獻搯笏執爵
執尊者舉冪太官令酌犧尊之泛齊訖先詣兗國公酌
尊所北向立初獻以爵授執事者樂作執笏詣文宣王
神位前北向立搯笏跪執事者以爵授初獻初獻執爵
三祭酒奠爵執笏俯伏興少立樂止次引太祝詣神位
前東向搯笏跪讀祝文讀訖執笏興先詣兗國公神位

前南向立初獻再拜次詣配位每位行禮並如上儀太
宮令復詣正位酌尊所太祝復位初獻降階樂作復位
樂止次引亞獻詣盥洗位北向立搯笏盥手悅手執笏
詣爵洗位北向立搯笏洗爵拭爵以爵授執事者執笏
升詣文宣王位酌尊所西向立樂作執事者以爵授亞
獻亞獻搯笏執爵執尊者舉冪大樂令酌象尊之醴齊
訖先詣充國公位酌尊所北向立亞獻以爵授執事者
執笏升詣文宣王神位前北向立搯笏跪執事者以爵

授亞獻亞獻執爵三祭酒奠爵執笏俯伏興少退再拜
次詣每位行禮並如上儀樂止降復位次引終獻詣洗
位升殿行禮並如亞獻之儀降復位初亞獻將升引分
奠官詣盥洗位盥手帨手訖分奠殿內及兩廡諸神位
搗笏跪執爵三祭酒奠爵執笏俯伏興再拜分奠訖俱
復位禮直官曰賜胙贊者承傳曰賜胙再拜在位者皆
再拜送神樂作一成止次引三獻官詣望瘞位有司各
詣神位前取幣祝版置於瘞坎次引監祭御史大樂令

奉禮郎太祝詣望瘞位立定禮直官曰可瘞實土半坎
初獻以下詣南神門外揖位立定禮直官贊禮畢揖訖
退太官令帥其屬徹禮饌監祭御史詣殿上監視收徹

乃退

又擬光祿卿
進胙蒙准呈

大定十八年十一月以涿州申稟釋奠牲器禮儀檢討
到唐開元禮諸州釋奠禮數下項契勘自大定十八年
仲秋上丁國學釋奠禮數內減去飲福受胙之禮未審
在外諸州有無一體遵用省部叅詳飲福受胙一節不

合減去外行禮禮秩本朝州府不設置擬助教以學正
代叅軍等各係唐禮秩本朝州府不設置擬助教以學
正代祝以學生充叅軍事以禮生充省部准申行下

前享三日刺史散齋於別寢二日致齋於廳事一日亞
獻以下預享之官散齋二日各於正寢致齋一日於享

所上位為亞獻博士為終獻若刺史有故並
以次差攝博士有故次取叅軍以上攝之散齋理事

如舊唯不吊喪問疾不作樂不判署刑殺文書不行刑
罰不預穢惡致齋唯享事得行餘悉禁斷享官已齋而

關者通攝行事助教及學生皆清齋於學館一宿

前二日本司掃除內外又為瘞坎於院內堂之壬地方
深取足容物南出陞本司設刺史以下次於門外隨地
之宜

前一日晡後本司帥其屬守門本司設三獻位於東階
東南每等異位俱西面設掌事位於三獻東南西面北
上設望座位於堂之東北當坎西向設助教位於西階
西南當掌事位學生位於助教之後俱東面北上設贊

唱者位於三獻西南西面北上又設贊唱者位於瘞坎

東北南向東上設三獻門外位於道東每等異位俱西

面掌事者位於終獻之後北上祭器之數每座尊二邊

八豆八簋二簋二俎三

羊豕及腊各一俎

掌事者以尊坫升設

於堂上前楹間北向先聖之尊在西先師之尊在東俱

西上加幕勺先聖爵一配座爵四各置於坫設幣篚於

尊所設洗於東直祭南北以堂深壘水在洗東加勺幕

篚在洗西南肆實爵三巾二於篚加幕執尊壘洗篚者

各位於尊壘洗篚之後

享日未明烹牲於厨夙興掌饌者實祭器

牲體羊豕皆戴右肘前脚

三節肩臂臑節一段皆戴之後脚三節節一段去下一節皆戴上肫胙二節又取正脊脰脊橫脊短脇各二骨以並餘皆不設篚實黍稷簋實稻粱籩實石鹽乾魚棗栗榛菱芡鹿脯豆實韭菹醢醢菁菹鹿醢芹菹兔醢笋菹魚醢若土無者各以其類充之 本司帥掌事者設先聖神席於堂上

西楹間東向設先師神席於先聖神座東北南向席皆以莞賢明諸享官各服祭服助教儒服學生青衿服本

司帥掌事者入實尊壘及幣

每座尊二一實玄酒為上一實醴齊次之神之幣用

白各長一丈八尺 祝版各置於北贊唱者先入就位祝二人與

執尊壘篚者入立於庭重行北向西上立定贊唱者曰
再拜執祝以下皆再拜執尊壘篚者各就位祝升自東
階行掃除訖降自東階各就位刺史將至贊禮者引亭
官已下俱就門外位助教學生並入就門內位刺史至
參軍事引之次贊唱者先入就位祝入升自東階各立
於尊後刺史停於次少頃服祭服出次參軍事引刺史
入就位西向立參軍事退立於左贊禮者引亭官以下

次入就位

凡導引者每曲一遠巡

立定贊唱者曰再拜刺史以下

皆再拜叅軍事少進刺史之左北面曰請行事退復位

祝俱跪取幣於篚興各立於尊所

凡請物者皆跪俯伏而取以興奠則奠訖

俯伏而後興

本司帥執饌者奉陳於門外叅軍事引刺史升

自東階進先聖神座前西向立祝以幣北向授刺史叅

軍事引刺史進西向跪奠於先聖神座興少退西向再

拜訖叅軍事引刺史當先師神座前北向立又祝以幣

西向授刺史刺史受訖叅軍事引刺史進北向跪奠於

先師神座興少退北向再拜參軍事引刺史降復位本

司引饌人升自東階祝迎引於階上各設於神座前

豆

蓋先徹乃升簋蓋既奠却其蓋於下籩居右豆居左
簋籩居其間羊豕二俎橫而重於右腊俎特居左

設

訖本司與執饌者降出祝還尊所參軍事引刺史詣壘
洗執壘者酌水執洗者跪取盤興承水刺史盥手執篚
者跪取巾於篚興刺史悅手訖執篚者受巾跪奠於篚
遂取爵興以進刺史受爵執壘者酌水刺史洗爵執篚
者又跪取巾於篚興進刺史拭爵訖受巾跪奠於篚奉

盤者跪奠盤興叅軍事引刺史升自東階詣先聖酒尊
所執尊者舉冪刺史酌醴齊叅軍事引刺史詣先聖神
座前西向跪奠爵興少退西向立祝持板進於神座之

右北向跪讀祝文

維某年歲次月朔日子刺史具官封
姓名敢昭告於先聖孔宣文云云

祝興刺史再拜祝進跪奠板於神座興還尊所刺史拜
訖叅軍事引刺史詣先師酒尊所取爵於坵執尊者舉
冪刺史酌醴齊叅軍事引刺史詣先師神位前北向跪
奠爵興退北向立祝持板進於神位之左西向跪讀祝

文

維某年歲次月朔日子刺史具官封姓名敢昭告於先師顏子云云

祝興刺史再拜祝

進跪奠板於神座興還尊所刺史拜訖參軍事引刺史

詣東序西向立祝各以爵酌合置一爵一祝持爵進刺

史之左北向立刺史再拜受爵祭酒奠爵俯伏興祝各

帥執饌者進俎跪減先聖神前胙肉

各取前脚第二骨

共置一

俎上又以籩取稷黍共置一籩興祝先以飯進刺史受

以授執饌者又以俎進刺史受以授執饌者刺史跪取

爵遂飲卒酒祝進受爵後於北刺史興載拜參軍事引

刺史降復位初刺史獻將畢贊禮者引亞獻詣盥洗盥手洗爵升獻飲福如刺史之儀

雜錄

大德五年二月一日都省批劄隨處宣聖廟宇多有損壞官司不用心提控修完致有如此委隨路轉運司差佐貳官或幕官一員專一管勾遇有損壞即便檢修大定十年八月七日以懷州申稟釋奠幣帛合無焚燒檢討到唐開元禮釋奠禮畢太祝各執篚進神座前跪

取幣詣瘞坎以幣置於坎訖奉禮郎曰可瘞又宋熙寧
祀儀釋奠禮畢有司各詣神座前取幣置於瘞坎板置
於燎柴據上項典故其幣帛皆是埋並無焚燒幣帛典
故禮部准申行下



大金集禮卷三十六

欽定四庫全書

史部

大金集禮卷

三十七至
四十

詳校官監察御史_臣劉芬

編修_臣程嘉謨覆勘

覆校官中書_臣汪學金

校對官中書_臣王鍾泰

謄錄貢生_臣周世燦

欽定四庫全書

大合集禮卷三十七

雜祠廟

宮觀

應聖公

河神

宮觀

大定闕年駕幸天長觀拜數

天長觀再修建畢命侍讀
鄭于駟撰碑文於二十年

九月前期一日所司設幄次於觀內至日皇帝便服出立石

宮導從如常儀百官奉迎於觀門外再拜皇帝至幄次百官先於殿階下立班俟班齊皇帝玉袍帶宣徽使前導至三清殿神位前再拜百官皆再拜皇帝三上香復再拜百官皆再拜禮畢至昊天上帝閣下如上儀百官

亦分班陪拜

特旨上香禮畢皇太子升殿上香

大定^闕年獻言者以南京上清宮中太乙宮佑神觀延祥觀葆直觀年深損壞宜檢料修完從之共修訖

殿廊七百餘間令道士看管幕官一員捉控相沿交割

保陵公

大定二十年十月三日勅旨山陵下蓋山神廟今後但節下去後便交享祭二十一年四月十七日檢定下項禮數蒙准呈每遇祭享日先次設祭物於神廟俟差去官山陵行禮之後禮直官引提點山陵官公服詣神位前再拜少進北向跪奠訖俯伏興復位立讀祝官讀祝

訖僭伏興獻宮再拜讀祝官奠板於神位前俟禮畢諸陵署官取祝板焚之

大定二十一年勅旨墳山起蓋山神堂合封王合封神禮部定了奏知本部檢討得別無端的典故擬以王爵封之尋送禮部學士院檢定學士院官所見若便定撰緣照得五鎮四瀆並係公爵今來山陵土地之神恐難比擬長白山神在鎮瀆之上八月十七日勅旨封公以崇安為名山陵致祭亦祭續奉勅旨山神本為保護山

陵崇安止是高大安寧無保護山陵之意後改封保陵公

大定二十二年四月二十八日行封冊禮驚冕八旒

服七章

三章在衣蟲火宗葵四章在裳藻粉米黼黻餘同象圖

圭冊香幣使副

持節行禮並如冊長白山之儀

涿州刺史高季孫充冊使修撰趙德撫充

副使

冊文

維年月日皇帝若曰古之建邦設都必有名山大川以

為形勝我國家既定鼎於全燕西顧郊圻巍然大房秀拔混後雲雨之所降出丘墟萬民之所瞻仰祖宗陵寢於是焉依抑惟嶽鎮古有秩序皆載祀典矧茲大房豈可獨闕其禮哉其爵號服章列於侯伯之上庶足以稱今遣某官備物冊命茲山之神為保陵公申勅有司歲時奉祀其封域之內禁無樵採弋獵著為憲令使草木禽蟲各遂其性所以廣先聖之德澤而報神之功也於戲享之廟食錫乃多儀佑列聖以安安期億年而有永

以篤金祐時維神庥

祝文

盖以肇基所肇陵寢是安惟爾有神實受其職是用昭報錫以顯封尚鑒予誠永修靈祐

應聖公

大定二十五年四月十三日奏請混同江太祖征遼策馬引軍徑渡盖江神靈應之事雖有廟宇前來未曾封冊擬再行修完加賜封爵奉勅旨舊廟修完仍封興國

應聖公令學士院撰碑文用女直漢字刊寫二十六年
六月五日奉勅旨依長白山致祭七月十九日行冊禮
並如封冊保陵公之儀

冊文

昔我太祖武元皇帝受天明命掃遼季荒蕪成師以出
至於大江浩浩洪流不舟而濟雖穆滿渡江而鼇梁光
武濟河而水冰自今觀之無足言矣執徐之歲四月孟
夏朕時邁舊邦臨江永歎仰藝祖之開基嘉江神之効

靈至止上都議所以尊崇之典蓋古者五嶽視三公四
瀆視諸侯至有唐以來遂享帝王之尊稱非直後世彌
文而崇德報功理亦有當然者矧茲江源出於長白經
營帝鄉實相興運非錫以上公之號則無以昭答神休
今遣某官持節備物冊命此江之神為興國應聖公申
命攸司歲時奉祀於戲嚴廟貌正封爵禮亦至矣惟神
其行靈長之德用輔我國家彌億年神亦享廟食於無
窮豈不休哉

祝文

蓋以滔滔靈源東土之紀義師初濟實發其祥爰秩典
文肇稱冊號丕顯休命神其聽之

嘉廕侯

大定二十五年四月二十日奉勅旨林神廟賜名護國
嘉廕侯逢七日令上京幕官一員燒香仍帶脩葺

二十六年四月檢討到自昔封拜公侯雖有冊命緣照
得唐以來典故封五嶽四瀆為王公曾行冊禮別不見

封侯行冊命之儀近世褒禮神靈亦止給衣冠不行冊
命至於王公之封例亦不行冊禮兼侯爵品秩稍卑今
擬嘉廕侯止頒給勅命降賜冠服差人賫付本處長吏
用祝板擇日祭告定到下項儀注毳冕七旒服五章三

在衣宗彝藻粉米二在裳黼黻玉圭同信圭長七寸廣三寸厚半寸祝文學士院撰香用

黃香帶用白繒長一丈八尺行禮官清齋一日擇日祭
告前一日所司於廟中陳設如儀於廟門外設冠服幄
次差官並本處官充內三獻官本部差初獻委長官如
明即以次官

外委本處就便差讀祝官一捧祝官二盥洗官二爵洗
官二奉爵官一司尊彝一禮直官四

以本處
司吏充

祭日丑前

五刺行事執事官各就次掌饌者帥其屬實饌具畢凡
祭官各服其服贊者引初獻官升自東階點視陳設訖
退就次次引初獻以下詣廟南門外揖位立定贊禮者
贊節次引祝入就堂下席位北向立次引三獻入就席
位西向立又引行事執事官就堂下席位北向立以西
為上贊者曰再拜在位者皆再拜贊者請諸執事官各

就位次引祝升堂就位立定次引初獻詣盥洗位北向
立搯笏盥手悅手執笏詣爵洗位北向立搯笏洗爵拭
爵以爵授執事者執笏升堂詣酌尊所西向立執事者
以爵授初獻初獻搯笏執爵執尊者舉冪執事者酌酒
初獻以爵授執事者執笏詣神位前北向立搯笏跪執
事者以爵授初獻初獻執爵三祭酒奠爵訖執笏俯伏
興少立次引祝詣神位前東向立搯笏跪讀祝文讀訖
執笏興退復位初獻再拜贊禮者引初獻復位次引亞

獻終獻酌奠並如初獻之儀

唯不詣祝不飲福受非

贊者引初獻

官詣神位前北向立執事者以爵酌清酒進初獻之右

初獻跪祭酒啐酒奠爵執事者以俎進減神座前胙肉

前脚第二節共置一俎上以授初獻初獻以授執事者

初獻取爵遂飲卒爵執事者進受爵復於北初獻興再

拜贊者引初獻復位贊者曰再拜獻官已下皆再拜已飲

福受非者不拜次引初獻已下就望瘞位廟令進神座前以俎

載牲體并血黍稷飯詣瘞坎以饌物置於坎東西廂各

二人實土半坎贊者曰可瘞贊者又曰禮畢遂引初獻
官以下奉毳冕服匣并勅命匣入殿內安置訖以出祝
與執尊壘篚冪者俱復位立定贊者曰再拜訖遂出祝
板燔於齋所

六月五日奏定止頒給勅命降賜冠服令本處長官擇

日祭告仍出訖勅命

部卷六月五日省劄該護國嘉蔭侯是蔭字又省劄上京護國林神

可特封護國嘉蔭侯右
依上出給勅命云云

祝文

蔚彼長林實壯天邑廣袤百里惟神主之廟貌有嚴侯封是享歆時蠲潔相厥滋榮

河神

大定十九年十一月十七日奏稟言事者以瀘溝河水勢泛漲損壞民田乞官為封冊神號建立祠堂檢討得典故止載祭祀嶽鎮海瀆其山林川澤之神有功德於人者乃降封爵未有非在祀典止用損壞民田賜號建廟之理難准所言施行從之

大定十七年十二月以都水監節次申稟陽武上埽聖
后廟乞檢料脩整倒換誥勅并每年五月一日降香祈
謝尋檢討到唐令嶽鎮海瀆中祀也其祭用酒脯醢牲
饌太牢祀官當界都督刺史克有事故者遣上佐行事
遇旱而祈其禮亦如之其餘山川判司行事縣則令丞
行事遇旱亦用酒脯醢今聖后之廟蓋山林川澤之屬
為小祀宜依有唐仲春祭五龍祠故事以羊豕各一外
仍設酒脯醢於二月內卜日行祀事祭官差隨縣縣令

充外降香一節歷代俱無似禮佚并前代已封加勅詰亦難倒換蒙准呈行下

大定二十七年十一月二十六日禮部准戶部工部關省批三部呈承省劄奉聖旨黃河聖后廟瀝溝安平侯廟仰脩蓋得好者教本縣官以時祭祀其祭祀所須之物官為約量應副為此下太常寺檢討到差官禮數蒙批呈訖奉聖旨仰行下所屬每歲委本縣官長春秋致祭餘並准呈送部

大金集禮卷三十七

欽定四庫全書

大金集禮卷三十八

浴祀雜錄

皇統六年三月奏稟宗廟諸陵脩完守護等事依唐六
典隸大宗正府慶元宮崇奉太祖皇帝神御亦合與太
廟一體其祭祀禮數等事合依舊隸太常寺管勾外太
社屬郊社署合置今丞雖隸太常寺緣脩完守護等事
別無部轄人力合委會寧府勾當其祭祀禮儀事依官

制隸太常寺所有諸陵署古來雖為朝廷之官緣為有
時車駕行幸別京即諸陵署官難為扈從兼自來詳定
所定作外官合依已定施行如有脩完守護等事申覆

宗正府外祭祀禮儀等事申稟太常寺施行從之

大定四年閏十

一月奏定太廟諸陵
署官俱作隨朝職任

皇統八年閏八月十一日奏請即日太廟已經起建了
畢兼慶元明德永祚三宮見闕提舉供奉官擬依唐制
合設太廟署令丞各一員兼通供奉三宮事務仍將本

署隸屬太常寺從之

天德二年四月二十三日呈稟官格太常寺領三署內
大樂署兼鼓吹署設令丞照到唐六典大樂署令丞各
一人樂正八人宋會要樂正二人本寺雖有亡宋樂正
劉希顏運譜田仲等二人自令丞以下並不蒙設置即
目國家見議郊廟禮數并改製樂舞準備教習其樂正
人等係干緊切及燕京送到大樂器無人專一管勾竊
慮錯失擬差設大樂令丞各一員兼權郊社署仍差協

律郎樂正副各一名其樂正副從九品令丞若有關即於樂正轉樂正有關即於諸部內轉從之

天德二年四月五日呈稟以太常寺申取到禮直官等狀宋時太廟南神門設定香案匙合每日早并月一十五日上海緣別無典故監官行禮不為相應不許

天眷元年行臺尚書省劄子廢齊每年隨時祭祀天地上帝五方帝嶽鎮海瀆真君等繫請御署朝廷差官行禮恐合並罷勅旨准奏權罷

天眷三年奏稟亡遼時若遇車駕幸燕十月一日并六節辰只是京僚燒餘外朝僚不曾赴殿燒餘檢詳歷代典禮繫四孟月內擇日皇帝親饗比至講明施行擬依自來體例委本處有司酌獻從之

貞元元年六月十七日呈稟按禮雜記曰祭稱孝子孝孫喪稱哀子哀孫又典禮曰居喪未葬讀葬禮既葬讀祭禮又曰祭事不言凶王制曰喪三年不祭天地社稷為越紼而行事後漢志亦同宋會要該建隆二年六月

二日昭憲皇太后崩五日太常禮院請准禮例合停太廟時享俟山陵畢復舊從之是年十月十三日啟攢宮十五日發引十六日葬安陵今來太后園陵未畢其禘享禮數有無依前代體例權停太廟時享并禘祭從之貞元三年十一月二十七日呈稟檢討到宋會要太常禮院上言今月二十三日臘享太廟伏緣孟冬已行時享冬至又嘗親祀又禮其禘禘之日即不行時享慮成煩數有爽恭虔請罷臘日薦享之禮從之今太廟禘享

與臘享日期相近擬依前項典禮停臘享從之

大定十三年十二月二十三日奏稟大理卿梁肅議秋
冬行刑檢討到唐法志凡斷屠日及正月五月九月不
行刑唐令從立春至秋分不得奏決死刑若犯惡逆已
上及奴婢部曲殺主者不拘此令其大祭祀及致齋朔
聖上下弦二十四氣雨未晴夜未明斷屠日及假日並
不決死刑奉勅旨准唐令十四年四月以隨處申稟大
祭祀及致齋日檢討到開元禮并禮閣新儀天地宗廟

別廟日月社稷皆為大祀看詳除或遇郊壇親祀自有預先降詔頒下日月外其餘宗廟社稷時享止是預前日近擇日其遠路州府開報不及兼前亦不曾開報外路所有大祭祀致齋日只合在都禁決死刑蒙准呈

大定六年九月二十四日奉勅旨今後廟門外皇太子以下奉迎兩拜不須要其餘拜禮依舊及入廟晨裸行禮自大次導引至版位先見神兩拜詣壘洗位盥洗訖再導引至版位又兩拜詣隨位裸壘訖還版位再兩拜

還小次酌獻時先至壘洗位盥訖導引至版位先兩拜
隨位酌獻訖還版位再兩拜只將始祖一室祝冊於版
位西南安置讀冊訖又兩拜還小次飲福時導至飲福
位先兩拜揖圭跪俟祭酒啐酒受胙飲福訖執圭興兩
拜只依此禮數施行

大定九年裕享奏定拜數依定六例又皇太子往還並
免奉迎二十二年奏定依大定九年例免奉迎若禮畢
將至應天門唯文武百官宗室等再拜奉迎

大定十一年朝享太廟定到下項權宜拜數其日太祝
宮闈令捧出帝后神主昭穆相對皇帝晨裸至版位先
兩拜詣壘洗位盥洗訖詣隨位裸冕直跪裸冕訖還版
位兩拜還小次皇帝酌獻詣隨位如上儀畢還版位兩
拜只讀始祖祝冊於板位西南安置讀冊訖再兩拜還
小次皇帝飲福至位直跪啐酒飲福訖再兩拜

不見依
十六拜

或依
此

天德四年正月以行幸有期據上京太廟每歲五享及遂

月薦新合差攝官員數並行禮次第叅擬到下項呈稟
訖蒙准行外官闈令一十一員於落後宗室子孫內差
充每月薦新以會寧府官充光祿卿合進胙只就便委光
祿卿奉進仍不合望闕再拜監祭御史受訖福酒胙肉
更不得動封便將市內散與諸百姓

初獻攝太尉留守充亞獻攝太常卿同知充終獻攝光祿
卿副留守充司徒落後宗屬在上官充監祭御史只差
一員推官充廩犧令一員警判充太廟令一員有正員

七祀獻官一員留判克讀祝官一員會寧令克司尊彝

二員警巡使充舉祝官二員女直漢兒知法克大樂令

一員大樂丞克協律郎一員樂正克七祀讀祝一員都

目充太官令二員

兼良醞令

珍羞令

兼良醞令

擬富藏市令麴稅

監并倉庫官輪充執事官二員於富藏市丞會寧主簿

麴稅院使內輪充七祀祝史一員進饌官二員並於左

右衛差充齋郎八十八員於會寧府所轄千戶謀克帶

五品已上官兄弟子孫并良閑官員及帶官司吏番譯

通事內差遣太祝一十一員於落後宗室子孫內差克
宮闈令一十一員擬摘留內侍一十一員或於落後宗
室子孫內差克奉禮郎一員贊唱一員禮直官一十員
並於會寧府面前內權行差取仍典客署摘留二人在
此指教亦候閱習精熟還本署承應博士二員不行差
攝亦無失事

自來每遇遣使行禮並光祿卿詣闕進胙看詳將來署
月地遠難赴行宮進胙擬依太常寺元定享禮光祿卿

以昨奉進監祭御史就位展視光祿卿望闕再拜乃退
每享用祝版一十一片請御署訖以付所司叅詳若依
例於版上書寫請署恐防路次雨水及磨擦動有無只
用奏目紙書寫請署貼在祝板上行禮大樂局人數并
在廟合千人等及樂架法服祭器等諸物擬并存留准
備行禮

自来依典故太常卿每月薦新緣太常寺將來隨駕前
去擬委太廟署或會寧府官依太常寺舊例每月薦新

行禮尚書省依例委司天臺預選定日辰并下學士院書寫祝文付於行宮尚書省請署訖送赴在此至日恭依行禮

天德二年十月十五日呈稟按五禮精義該中祀已上有司攝祭者皆光祿卿詣闕進胙不該合用是何儀物責得禮直官趙保寧等伏稱據宋時太廟遣祀禮畢有光祿卿進胙禮數緣禮失當求之野所說似有可采今叅酌定下項蒙准行中祀已上有司攝祭者擬光祿卿

詣闕進胙用朱紅腰輿蓋鎖訖黃封具銜臣姓名上進
謹封更用黃羅大帕蓋覆差傘子四人擡擎本官押詣
通進司進入乃退

大定六年四月時享緣車駕行幸西京不見如何進胙
太常寺檢討到論語云祭肉不出三日出三日不食之
矣注疏云是褻慢鬼神之餘若赴西京進呈見得出三
日之外如在都有落後宮禁妃嬪合宮中收受只用看
廟軍人暫時齋擎前去光祿卿押送至宮門交付與宮

門官轉入本部勘詳見有宮夫人即與宮禁妃嬪無異
兼大定四年春享車駕在春水其福酒胙肉等擬宮中
銷用蒙准呈行訖今駕幸西京據夏享合進胙擬依太
常寺所定並上項條例施行蒙准呈

大定十五年四月十五日擬定武靈皇帝廟光祿卿別
無進胙禮數蒙准申

大定二十三年二月祭宣聖廟攝光祿少卿合無進胙
事檢討得唐開元禮國學釋奠於文宣王亦繫遣官行

禮別無進胙之文却緣五禮精義該君不親祭則當歸
胙又唐令諸大祀中祀有司行事則光祿卿帥太官令
詣闕進胙今奉勅旨差攝太尉行事看詳五禮精義及
唐令合行進胙蒙准呈

大定七年閏七月檢討祭社日遇雨如何行禮按開元
禮義鏡該王公郊廟祭祀臨時雨露服失容則以常服
從事謂有常期不可廢也若已行事遇雨不脫祭服又
宋會要太常禮院言郊廟及諸壇祀祭准禮例如遇雨

雪霑服失容卽於齋宮望祭又判太常寺李宗諤等言
值雨雪望祭日不設登歌祀官以公服行事今祭社稷
行禮日如遇雨雪服失容擬於齋廳望祭不設登歌攝
事官以公服行事其齋廳可安設神位祭器及獻官拜
位兩廊亦可排設盥洗位并獻官攝事官等位至日從
宜安設別無窒碍行禮之事蒙准呈

大定十八年八月禮部准御史臺牒郊社致齋攝司徒
劉通議茶褐領繫有無違碍檢討到禮記深衣為朝祭

之次衣純緣制度其色或以青或以績或以素又晉令朝服阜緣於禮無嫌唐會要只有赴宗廟禁褻服亦不分吉服喪服純緣合以何色又按禮記王制篇喪三年不祭唯祭天地社稷為越紼而行事注云不敢以卑廢尊越猶躡也紼輻車索唐律疏云其祭天地社稷不禁者不避有慘故云則不禁據前項禮文則祭社稷與宗廟典秩各異也蒙准申移牒照會陵廟祝板自來行禮之後並藏諸匱奏告祝板則焚之大定四年定到嶽瀆

等祝版並燔於齋所檢討到唐郊祀錄凡告宗廟祝版
焚之齋坊又禮閣新儀貞元元年十一月十一日德宗
有事郊廟太常博士陸質奏請准禮用祝版祭畢焚之
制曰可擬享廟祝版太常卿於齋所監視焚之祭山陵
祝版提點山陵所官監視焚燎大定二十一年閏三月
十四日蒙准呈太廟及山陵嶽鎮海瀆祝板並焚燒

祝板

以梓楸木為之長二
尺廣一尺厚六分

天德二年十一月呈稟昨檢討到唐開元禮時享祝文

並用定本宋國朝會要該太宗淳化二年七月祕書監
李至上言臣職祕省實掌祝辭竊見向來所用之文多
是臨時撰進辭義淺近固依古式施於聖世實謂非宜
况前代舊文辭體典正臣請自今止用舊文其舊有所
闕及歷代帝王近列於祀典者並擬古式脩換凡一百
九十三首內八十四首新制餘皆舊辭分為三卷目曰
正辭錄詔永為定式擬依前項典禮時享祝文並用定本
今定撰到春夏秋冬臘每享祝文下項蒙准行

十一室通用祝文

維某年歲次甲子某月甲子朔某日甲子孝曾孫嗣皇
帝臣某謹遣具官臣姓名敢昭告於始祖尊謚皇帝祖
妣尊謚皇后伏以歲序伊始品物咸新有嚴太宮聿脩
時祀仰祈鑒格永錫繁釐謹以柔毛剛鬣明粢薌合薌
箕嘉蔬嘉薦醴齊虔恭齋粟以備清祀尚饗

今於康宗
以下稱孝

孫於睿宗稱孝子於熙宗止稱嗣皇帝於別廟皇后言
尊號夏云序當長養化厲南訛秋云孟秋屆序萬寶順
成冬云玄英首氣閉塞成冬
臘云歲功云畢樂茲嘉平

七祀通用祝文

維年月日甲子皇帝遣具官姓名昭告於司命戶竈中

雷門厲行以茲孟月享於太宮惟爾有神宜膺祀典謹

以犧齊絜盛庶品式遵常禮尚饗

臘享即云以茲嘉序

山陵元日遣使副祭奠祝文

維某年歲次某月朔某日辰孝孫子嗣皇帝某謹遣具
官臣姓名敢昭告於謚號皇帝謚號皇后伏以歲律更新
物華資始感茲時序仰止園陵庸致吉蠲冀垂昭鑒尚

饗

寒食云和律吹灰燧榆改火七月十五云田甫登場月當流火冬至云律候陽生日迎長至十九年六月

二十三日勅旨今後山陵祝版用女直字又以祝版文理經別行擬定七月十五祝文云孟秋既望新穀將升感時序以興懷仰園陵而致孝薦馨香於今節庶髣髴其平生庸表精誠冀垂昭鑒尚饗

山陵忌辰遣使副祭奠祝文

大定十九年七月改用女直字二十六年熙宗忌辰

亦遣使祭文用女直字撰

維年歲次月朔日辰孝孫嗣皇帝臣某謹遣具官臣某
敢昭告於世祖尊謚皇帝伏以佑我後人不惟聖緒永
懷遐馭適及今朝敬薦哀悰冀垂昭鑒尚饗

維年歲次月朔日辰孝孫嗣皇帝某謹遣具官臣某敢昭告於太祖尊謚皇帝伏以洪惟聖緒藐質獲承邈矣仙遊陵園在望適及過音之日靡勝濡露之思嘉獻就陳哀悰可鑒尚饗

維年歲次月朔日辰孝孫嗣皇帝某謹遣具官臣某敢昭告於太宗尊謚皇帝伏以獲承基緒祇奉陵園迨茲過密之辰深盡闕傷之念就陳嘉薦庶鑒哀悰尚饗

維年歲次月朔日辰孝子嗣皇帝臣某謹遣某官臣某

敢昭告於睿宗尊謚皇帝伏以仙馭遐登歷年滋久望園陵之館御鬱霜露之哀悰庸致蠲承式昭永慕尚饗

大定二年十月奉
遷景陵自後遣使

維年月日孝子嗣皇帝某謹遣某官臣某敢昭告於皇妣貞懿皇后伏以在遼之陽聖善寢御茲屬永違之日不

勝感慕之誠嘉薦就陳瞻言如在尚饗

大定十八年
始用祝文

祖宗忌辰祭保陵公文

維年歲次月朔日辰皇帝謹遣某官某昭薦於保陵公

祇奉永陵

睿陵恭陵
思陵景陵

式臨諱日追伸感慕往致吉蠲仍

勅使軺展祀祠宇聿遵彝典宜鑒精衷

皇后忌辰祭保陵公文

西山之原陵寢斯在屬當諱日爰舉祭儀惟爾有神宜
從茲薦

七月十五日祭文

列聖園陵神實保佑比頒顯冊封以上公申勅有司俾
脩祀事從厥歲序著為彝儀

冬至祭文

瞻彼西山園陵斯在以左以右惟神之功長至屆辰宜
從與享尚其英爽歆此酌觴

元日祭文

陵寢孔固繫神之功式因歲元聿脩祀事

寒食祭文

陵園孔固惟神尸之相爾有功宜在祀典茲爰改火禮亦
順時往致薦羞是用昭報

大定三年十月奉上睿宗冊寶奏告文

睿考祔廟禮先尊崇涓擇吉辰以時昭告云云仰惟神
鑒恣此孝誠

太廟祫享奏告文

廟祫之禮祔享有經爰命攸司擇吉昭告云云仰惟靈
鑒恣此孝誠

太廟祝文

廟祫有經睿考升祔

睿宗室
曰皇考

歲序循次禮宜合食謹以

一元大武 云云肅陳明獻表茲孝誠

別廟祝文

正位神儀依神別廟歲序循次適茲合食今以一元大武 云云具陳明薦以申禘禮

大定六年禘享太廟奏告文

維年歲次月朔日辰孝曾孫嗣皇帝臣某敢昭告於始祖尊謚皇帝祖妣尊謚皇后伏以三年一禘百代彝儀惟時孟冬將致大享先期以告昭鑒其臨

太廟祝文

維年月朔日辰孝曾孫嗣皇帝某敢昭告於始祖尊謚
皇帝祖妣尊謚皇后歲律云周時惟冬孟載考彝儀大
陳合食謹以一元大武柔毛剛鬣臙祭明粢薌合薌箕

嘉蔬嘉薦醴齊用肅明獻式表考思

十三
室同

別廟祝文

維年月朔日辰尊號皇帝昭薦於昭德皇后歲律云周
時惟冬孟載考彝儀大陳合食今以云云
嘉薦醴齊備

茲明獻以申禘禮

七祀祝文

維年月朔日辰尊號皇帝謹遣某官銜昭告於司命戶
竈中霤門厲行歲序載周式遵常禮謹以粢盛庶品明
薦於神

大定十四年禘祭太廟奏告文

維年月日孝曾孫子嗣皇帝某謹遣某官臣某敢昭告
於始祖尊諡皇帝祖妣尊諡皇后伏以大享惟禘祭莫

重焉將合於堂昭穆之序先期以告昭鑒其臨

太廟祝文

維年月日孝曾孫子嗣皇帝臣某謹遣某官臣某昭告
於始祖尊諡 皇帝祖妣尊諡 皇后伏以九廟可觀五年
一禘舊章茲率大祭是承謹以一元大武柔毛剛鬣
祭明粢薌合薌箕嘉蔬嘉薦醴齊惟永孝思冀垂昭鑒
別廟祝文

維年月日甲子尊號皇帝遣某官臣某敢昭薦於昭德

皇后伏以九廟可觀五年一禘舊章茲率大祭是承今
以一元大武柔毛剛鬣脰祭明粢薌合薌箕嘉蔬嘉薦
醴齊亦有音徽其歆祀事

七祀祝文

維年月日皇帝遣某官某昭告於司命戶竈中霤門厲
行大祭於廟茲惟其時以爾有靈宜膺秩祀謹以醴齊
粢盛庶品明薦於神

大定七年仲秋為始祭太社太稷文

維年歲次月朔日辰嗣天子某謹遣攝太尉具銜位臣

某敢昭告於太社惟神五土是司容養萬物博厚以載

德合無疆謹因仲秋

仲春

式薦明祀恭以玉帛柔毛剛鬣明

粢薌合薌箕嘉蔬嘉薦醴齊備茲禋瘞用申報本以后
土句龍氏配神作主

維年歲次月朔日辰尊號皇帝謹遣攝太尉具銜位臣

某敢昭告於后土氏爰茲仲秋

仲春

吉日有事於太社惟

神力平九州功德甚茂其從享之典禮惟舊謹以制幣

柔毛剛鬣明粢薌合薌箕嘉蔬嘉薦醴齊旅於表位作
主侑神

維年歲次月朔日辰嗣天子某謹遣攝太尉具銜位臣

某敢昭告於太稷惟神五穀是主八政爰始人之司命

功莫重焉謹因仲秋仲春式薦明祀恭以玉帛柔毛剛鬣明

粢薌合薌箕嘉蔬嘉薦醴齊式陳裡瘞備脩常秩以后

稷棄配神作主

維年歲次月朔日辰尊號皇帝謹遣攝太尉具銜位臣

某敢昭告於后稷氏爰茲

仲秋
仲春

吉日有事於太稷惟神

誕相稼穡粒我蒸民功在祀典爰用陟配謹以制幣柔
毛剛鬣明粢薌合薌箕嘉蔬嘉薦醴齊旅於表位作主
侑神

大定五年立春為始立土王日祭嶽鎮海瀆祝文

維年歲次月朔日辰嗣天子某謹遣具銜某敢昭告於
東嶽天齊仁聖帝惟神贊養萬物作鎮一方式因春始
用申明祀謹以犧齊粢盛庶品明薦於神

維年歲次月朔日辰皇帝敬遣具銜某敢昭薦於東鎮
東安公惟神贊養萬物作鎮一方式因春始用神明祀
謹以犧齊粢盛庶品明薦於神

維年歲次月朔日辰皇帝敬遣具銜某敢昭薦於東海
廣德王惟神百川所歸衆靈是宅浮天載地坎德攸先
爰及孟春用遵薦禮謹以犧齊粢盛庶品明薦於神

維年歲次月朔日辰皇帝敬遣具銜某敢昭告於東瀆
大淮長源公惟神源流深泌潛潤博洽阜成百穀疏滌

三州青春伊始用遵典秩謹以犧齊粢盛庶品明薦於神

維年歲次月朔日辰嗣天子某謹遣具銜某敢昭告於南嶽司天昭聖帝惟神贊養萬物作鎮一方式因夏始用申明祀謹以犧齊粢盛庶品明薦於神

維年歲次月朔日辰皇帝敬遣具銜某敢昭薦於南鎮永興公惟神贊養萬物作鎮一方式因夏始用申明祀謹以犧齊粢盛庶品明薦於神

維年歲次月朔日辰皇帝敬遣具銜某敢昭薦於南海
廣利王惟神百川所歸衆靈是宅浮天載地坎德攸先
爰及孟夏用遵薦禮謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於南瀆
大江廣源公惟神總納大川朝宗巨海功昭潤化德表
靈長爰因夏首脩其禮典謹以犧齊絜盛庶品明薦於
神

維年歲次月朔日辰嗣天子某謹遣具銜某敢昭告於

中嶽中天宗聖帝惟神贊養萬物作鎮一方式因季夏用申明祀謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於中鎮應聖公惟神贊養萬物作鎮一方式因季夏用申明祀謹以犧齊絜盛庶品明薦於神

維年歲次月朔日辰嗣天子某謹遣具銜某敢昭告於西嶽金天順聖帝惟神贊養萬物作鎮一方式因秋始用申明祀謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於西鎮
成德公惟神贊養萬物作鎮一方式因秋始用申明祀
謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於西海
廣潤王惟神百川所歸衆靈是宅浮天載地坎德攸先
爰及孟秋用遵薦禮謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於西瀆
大河靈源公惟神上通雲漢光啟圖書分道九支旁潤

千里素秋式序用率常典謹以犧齊染盛庶品明薦於神

維年歲次月朔日辰嗣天子某謹遣具銜某敢昭薦於北嶽安天玄聖帝惟神贊養萬物作鎮一方式因冬始用申明祀謹以犧齊染盛庶品明薦於神

維年歲次月朔日辰皇帝敬遣具銜某敢昭薦於北鎮廣寧王惟神贊養萬物作鎮一方式因冬始用申明祀謹以犧齊染盛庶品明薦於神

維年歲次月朔日辰皇帝敬遣具銜某敢昭薦於北海
廣澤王惟神百川所歸衆靈是宅浮天載地坎德攸先
爰及孟冬用遵薦禮謹以犧齊絜盛庶品明薦於神

維年歲次月朔日辰皇帝敬遣具銜某敢昭薦於北瀆
大濟清源公惟神泉源清潔浸被遐遠播通四氣作紀
一方玄冬肇節聿修典制謹以犧齊絜盛庶品明薦於
神

維大定十一年歲次辛卯十月壬寅朔二十七日戊辰

嗣天子臣某謹遣攝太尉具銜位臣某敢昭告於昊天上帝伏以遙追祖武嗣守靈符祇講曠儀肇修大報前期潔告舊典有稽仰冀威明俯垂眷顧謹以今年十一月十七日合祭天地於圓壇不敢不告

維年月日辰嗣天子臣某謹遣攝太尉具官臣某敢昭告於皇地祇伏以肇舉上儀有嚴合饗豫申祇告率迪舊章誠冀聰靈昭垂鑒格謹以今年十一月十七日合祭天地於圓壇不敢不告

維年月日辰孝曾孫子嗣皇帝臣某謹遣攝太尉具官

臣某敢昭告於十一室

各書帝
后諡號

伏以天明地察有國所

尊將秩曠文肇稱元祀前申潔告仰冀鑒臨謹以今年
十一月十七日合祭天地於南郊不敢不告

維年月日辰嗣皇帝某謹遣某官臣姓名敢昭告於諸

陵

各書帝
后諡號
并貞懿皇后

天明地察有國所尊將秩曠文肇稱

元祀前申潔告仰冀鑒臨謹以今年十一月十七日合
祭天地於南郊不敢不告

維大定十一年歲次辛卯十一月辛未朔十五日己酉
孝孫嗣皇帝臣某謹遣攝太尉具官臣某敢昭告於太祖
尊謚皇帝伏以受天成命詒我燕謀慶集眇冲運洽平
泰脩明曠典大報神休禮重肇禋功宜陟配先申虔告
仰冀顧歆謹以今年十一月十七日合祭天地於圓壇
不敢不告

維大定十一年歲次辛卯十月壬寅朔二十七日戊辰
嗣天子某謹遣攝太尉具官臣某敢昭告於

太社
太稷伏以

天明地察有國所尊將秩曠文肇稱元祀前期以告靈
鑒是孚謹以今年十一月十七日合祭天地於南郊不
敢不告

維年月日辰尊號皇帝遣攝太尉具官臣某敢昭薦於
昭德皇后伏為國家肇造受命於天今方聿脩郊見之
禮惟靈伊邇其鑒於茲謹以今年十一月十七日合祭
天地於南郊敢用昭告

維年月日辰嗣天子某謹遣具銜某敢昭告於某嶽伏

以禮莫重者天地之祀將迎長至肇禋於郊飭遣守臣
告茲大典謹以今年十一月十七日合祭天地於南郊
敢用昭告

維年月日辰尊號皇帝敬遣具銜某敢昭薦於五嶽四

瀆各伏以禮莫重者天地之祀將迎長至肇禋於郊飭

遣守臣告茲大典謹以今年十一月十七日合祭天地
於南郊敢用昭告

維大定十一年歲次辛卯十一月辛未朔十六日丙戌

尊號皇帝遣某官告於

龍津橋
壕橋

之神長梁通濟往來之衝相

我吉行惟神之功

維大定十一年歲次辛卯十一月辛未朔十六日丙戌
尊號皇帝遣某官致祭於行神泰壇奉祀鑿駕啟行鼓
于國門稽若彝典既陳明薦護相是期

太廟朝享祝冊文

維大定十一年歲次辛卯十一月辛未朔十六日丙戌
孝曾孫嗣皇帝臣某敢昭告於 謚號 皇帝皇后
隨室如
裕享式

伏以聖德靈長流慶光遠克開厥後燕及於今肇脩郊
裡昭茲嗣服載懷先烈祇謁神宮謹以牲齊粢盛苾芬
庶品潔誠明薦仰祈顧歆

別廟薦享祝冊文

維年月朔日辰尊號皇帝昭告於昭德皇后升禮泰壇
國之大祀有嚴廟薦典禮攸先今以牲齊粢盛苾芬庶
品備茲嘉獻

七祀祝文

維年月日辰皇帝遣具官姓名昭告於司命戶竈中雷
門厲行稱秩元祀禮先太官用協彝章備陳嘉薦

昊天上帝祝冊文

維年月日辰嗣天子臣某敢昭告於昊天上帝伏以天
有成命烈祖受之藐躬嗣服天其子之迄用康年繫其
本始肆類於郊式昭大報謹以玉帛犧齊粢盛庶品虔
脩祀事太祖武元皇帝配神作主

皇地祇祝冊文

維年月日嗣天子臣某敢昭告於皇地祇伏以有天下者父天母地尊事地察率由舊章於茲圓壇饗以並位神靈之祉申錫無疆

配帝祝冊文

維年月日孝孫嗣皇帝臣某敢昭告於太祖尊謚皇帝伏以於皇聖祖駿命所基功加于時肇造區夏克開厥後無疆惟休燕及皇天推以克配謹以制幣犧齊粢盛庶品虔脩祀事侑神作主

欽定四庫全書



大金集禮

二十八

大金集禮卷三十八

欽定四庫全書

大金集禮卷三十九

朝會上

元日稱賀儀

聖節稱賀儀

曲宴儀

人使辭見儀

元日稱賀儀

皇帝即御座鳴鞭報時訖殿前班小起居到侍立位
引皇太子並臣寮使客合班入至丹墀舞蹈五拜平

立引皇太子升露階二閭使齊揖入欄內拜跪致詞

殿下臣祝訖拜起與臣僚平立却引復丹墀位舞蹈

五拜宣答聞制兩拜宣訖舞蹈五拜各祇候平立隨

司奏諸道表目便不分班便進壽酒兩拜訖平立果

床入引皇太子升褥位接擡進酒訖退復位放擡二

閭使再揖入欄內拜跪致詞

殿下臣

祝訖拜起與臣

寮平立退復褥位兩拜宣答聞制兩拜宣訖舞蹈五

拜各祇候平立皇太子執擡臣僚分班教坊奏樂皇

帝舉酒時殿上下臣僚并侍立官並兩拜樂止教坊
兩拜接盞退復褥位轉擡引皇太子降階臣寮合班
果床出皇太子至丹墀位兩拜分引預宴官上殿次
引宋國人從入至丹墀兩拜不出班奏聖躬萬福兩
拜有勅賜酒食兩拜各祇候平立次高夏國從人分
引左右廊立果床入進酒皇帝飲時坐宴并侍立官
並兩拜進酒官接盞還位坐宴官兩拜坐行酒傳宣
立飲訖兩拜坐次從人兩拜坐三盞致語揖臣使并

從人立誦口號訖坐宴并侍立官並兩拜坐次從人
兩拜坐入食七盞將曲終揖從人立兩拜訖引出闈
曲時揖臣使起兩拜下殿果床出至丹墀合班謝宴
舞蹈五拜各祇候分引出

今減定拜數

皇太子并臣寮客使合班入至丹墀稱賀舞蹈五拜平
立閤使奏諸道表目訖皇太子已下皆再拜引皇太子
升殿階褥位搯笏捧盞盤進酒皇帝受盞置御案上皇

太子退復褥位轉盤與執事者出笏二閤使齊揖入攔
內拜跪致詞元正啟祚品物咸新恭惟皇帝陛下與天
同休祝訖拜起復褥位同殿下臣寮皆再拜宣徽使稱
有制在位皆再拜宣答履新上壽與卿等內外同慶詞
畢舞蹈五拜齊立皇太子搢笏執盤臣寮分班教坊奏
樂皇帝舉酒時殿下臣寮并侍立官皆再拜皇太子受
虛盞退至褥位轉盤盞與執事者出笏左下殿樂止合
班在位臣寮皆再拜分引預宴官上殿

聖節稱賀儀

皇帝即御座鳴鞭報時訖殿前班小起居到侍立位引
皇太子并臣僚客使左右合班入至丹墀舞蹈五拜平
立引皇太子升露階二閭使齊揖入欄內拜跪致詞殿下

臣僚祝訖拜起與臣僚平立却引復丹墀位舞蹈五拜
折躬

了各祇候平立隨司奏諸道表目更不分班便進壽酒
兩拜訖立果床入引皇太子升至露階褥位接擡進酒訖
退復位放擡二閭使齊揖入欄內拜跪致詞殿下祝
僚折躬

訖拜起與臣僚平立退復褥位兩拜宣答聞制兩拜宣
訖舞蹈五拜了各祇候平立皇太子執事臣僚分班教
坊奏樂皇帝飲時殿上下并侍立官並兩拜樂止教坊
兩拜接擡退復褥位轉擡訖引皇太子降階臣僚合班
床出皇太子至丹墀位兩拜分引預宴官升殿坐宴如
元日之儀

今減定拜數並如元日稱賀儀惟祝詞云萬春令節謹
上壽危伏願皇帝陛下萬歲萬歲宣答云得卿等壽

酒與御等內外同慶

曲宴儀

皇帝即御座鳴鞭報時訖殿前班小起居到侍立位引臣僚并使客左入傍折通班至丹墀舞蹈五拜不出班奏聖躬萬福又兩拜出班謝宴舞蹈五拜各上殿祇候分引預宴官上殿其餘臣僚右出次引宋使從人入至丹墀兩拜不出班奏聖躬萬福又兩拜有勅賜酒食又兩拜引左廊立次引高夏從人入分引左右廊立果床

入進酒皇帝舉酒時上下侍立官並兩拜接盞訖候進
酒官到位合座兩拜坐便行臣使酒傳宣立飲訖兩拜
坐次從人兩拜坐至四盞餅茶入致語聞鼓笛時揖臣
使并人從立誦口號訖坐宴教侍立官並兩拜坐次從
人兩拜坐食入五盞歇宴教坊謝恩訖揖臣使起果床
出皇帝起入閣臣使下殿歸幕次賜花人從隨出戴花
了先引人從入左右廊立次引臣使入左右上殿位立
皇帝出閣座果床入坐立並兩拜坐次從人兩拜坐入

食九盞將曲終揖從人至位兩拜引出聞曲時揖臣使起兩拜下殿果床出至丹墀謝宴舞蹈五拜分引出

人使辭見儀

皇統二年六月二十五日奏稟伏見夏國人使入見頓改為大起居擬自後人使辭見臣僚穿執止依常朝起居拜數從之

舊例宋國人使三品官內間插高麗夏國人使五品官內間插

皇帝即御座鳴鞭報時訖殿前班小起居至侍立位引
臣僚左右入至丹墀小起居引宰執上殿其餘臣僚分
班出閤使奏見膀子先引宋使副出笏捧書左入至丹
墀面殿立定閤使左下接書捧書者單跪轉接訖拜起
立閤使左上露階右入欄內奏封全轉讀訖引使副左
上露階齊揖入欄內揖使副躬身使少前拜跪附奏訖
拜起復位立宣問宋皇帝時並躬身受勅旨訖再揖躬
身使少前拜跪奏訖拜起復位齊退却引使副左下至

丹墀面殿立定禮物右入左出盡揖使副傍折通訖再引至丹墀舞蹈五拜不出班奏聖躬萬福兩拜揖使副躬身使出班謝面天顏復位舞蹈五拜再揖使副躬身使出班謝遠差接伴兼賜湯藥諸物等復位舞蹈五拜各祇候引右出賜衣次引宋人從入通名已下兩拜不出班又兩拜各祇候亦引右出次引高麗使左入至丹墀面殿畧立引使左上露階立定揖副使躬身正使少前拜跪附奏訖拜起復位立閤使宣問王時並躬身受

勅旨訖再揖副使躬身正使少前拜跪奏訖拜起復位
齊退却引左下至丹墀面殿立定禮物右入左出盡揖
使傍折通訖引至丹墀通一十七拜各祇候平立引左
階立次引夏使見如上儀引右階立次再引宋使副左
入至丹墀謝恩舞蹈五拜各祇候平立次引高夏使並
至丹墀三使並躬身有勅賜酒食舞蹈五拜各祇候引
右出次引宰執下殿禮畢

皇帝即御座鳴鞭報時訖殿前班小起居至侍立位引

臣僚合班入至丹墀小起居引宰執上殿其餘臣僚分班出閣使奏辭榜子先引夏使左入傍折通訖至丹墀兩拜不出班奏聖躬萬福又兩拜揖使副躬身使出班戀闕致詞復位又兩拜喝各好去引右出次引高使如上儀亦引右出次引宋使副左入傍折通訖至丹墀依上通六拜各祇候平立閣使賜衣馬躬身聞勅兩拜賜衣馬訖平身措笏單跪受別錄物過盡出笏拜起謝恩舞蹈五拜有勅賜酒食舞蹈五拜引使副左上露階齊

揖入欄內揖躬身大使少前拜跪受書直起復位揖使
副齊躬身受轉達訖齊退却引左下至丹墀躬身喝好
去引右出次引宰執下殿禮畢

大金集禮卷三十九

欽定四庫全書

大金集禮卷四十

朝會下

朔望常朝儀

雜錄

朔望常朝儀

天眷二年五月十三日詳定內外制度儀式所定到

常朝及朔望儀式下項勅旨准奏朔旦拜日

具拜日門

朝

叅日供御弩手傘子直於殿門外兩面排立司辰入

殿報時畢皇帝御殿坐鳴鞭

其內侍退立左
右擎報內侍下

閣

門報班齊執擎儀物內侍分降殿階兩傍面南立

宿衛官自都點檢至左右親衛祇應官自宣徽使閣

門祇候先兩拜班首少離位奏聖躬萬福兩拜弩手

傘子直於殿門外奏萬福山呼聲喏起居畢閣門引

親王班贊班首以下再拜訖班首少離位奏聖躬萬

福歸位再拜訖先退次引文武百僚班首以下應合

朝叅官入殿依位班立閣門贊班首以下起居

同親
王儀

領省宰執升殿奏事餘先退閣門引教坊班奏萬福

山呼聲啞起居兩拜訖退次引合見謝辭官班

閣門先具

奏知領省宰執奏事畢下殿直出

宰執奏事具奏事門

帝初坐置

寶匣於殿階上東南角直日主寶捧寶當殿扣欄奏

封金符寶郎及當監印郎中各一員監當手分令史

用印訖主寶吏封授主寶俟奏事畢追封訖內侍去

案百官外時到幕次辰時視朝朔望御服靴袍百官

並常服

古者天子玄衣玄冕以朝日蓋亦有所尊其禮不敢不備今朔有拜日之儀擬同望日並靴袍

一彰肅敬

常朝御服小帽紅襪偏帶或束帶百官展紫都副

點檢朔望公服偏帶執骨朶常朝展紫左右衛將軍宿

直官展紫金束帶骨朶

其骨朶用玉水晶及金飾並乞如舊

左右親衛盤

裏紫袄子塗金束帶骨朶所帶兵械如舊主寶主符展

紫金束帶

以上束帶擬用御仙荔枝太平等花隨類一樣服用

近侍給使供御筆

硯符寶吏紫袄子塗金束帶

每朝輪直近侍給使八人筆硯二人

宣徽閣

門並常服展紫供御弩手傘子直一百人並金花交脚

幘頭塗金銅平鈹襯花束帶骨朶左右班執儀物內侍

二十人並展紫塗金束帶

以上禁中供奉人
朝退並只便服

弩手班直

等擬於殿門外東西向排立點檢司赴起居時即令相應就位面北山呼訖即相向對立駕興乃退擎御傘直
遇坐朝在左班內侍上排立點檢司起居畢都點檢以
次三員升殿陞都點檢在東邊近南左副又少南右副
東向相對左右衛在殿下東西對立左右司侍郎隨班
起居畢從宰執奏事殿中侍御史隨班起居畢在殿下
東西對立其位在左右衛將軍侍立之北仍各少前脩

起居注遇視朝起居畢分班升殿陞於殿欄子外副階下東西對立俟奏事畢退師傅起居畢御案自東入置定捧案內侍東西分下各直殿基隅侍立俟主寶封寶

畢即對入殿門出案

其案始置右殿外東階隅由東偏門入出自西偏門置於西階隅

案古禮王者日視事於內朝降及遼宋亦未或易擬今每日視朝以示聖慮憂勤日新聽斷萬幾之務庶無壅滯如謂朝廷事簡擬依唐制隔日視朝若止用六參方未嘗有須當改易准前代六參合用一日六日十一日

十五日二十一日二十六日親王及宗室已命官者年

十六以上並赴起居

宗室並隨文武官班

諸色人任七品以上職

事及七品以上散官充吏職

伎術官同

七品以下散官權翰

林院應奉並隨班起居

舊例校書郎權直史官並赴朝參

班首遇朝參

有故不赴以次官押班尚書省諸司局因公事入殿門

者左右司每不得過三人餘司局止一人於左右親衛

外至五品以上及侍御史尚書諸司郎中太常丞翰林

修撰起居注殿中侍御史補闕拾遺監察御史赴召參

假謂一月以上除官出使之類並通班入見謝辭餘官於殿

門外見謝班並舞蹈七拜辭班四拜門見謝辭兩拜入

宮從人給牌

具雜儀式下門

遇朝叅臣寮並不得將帶從人入

殿門特旨非遇朝叅應便服人不得入殿門及於御座殿

側觀看凡有禮儀御史臺門告報諸司局取知委臣寮

遇朝叅有故不赴申牒御史臺照會如不申牒而併兩

次輒不赴者御史臺申尚書省於隨品當月俸錢一色

內尅罰三分之一大寒大暑大風及雨雪霑服致失禮

容並放朝參即有機速事當面陳宰執於便殿

若遇雨之類御

史臺牒宣徽間奏候得旨仍預告報

合差司天臺官晝日於宮中報時刻

漏壺箭乞令較定臣寮班列合依位置牌閣門宣制贊

唱其聲高低擬更調習假寧休務日

具休假門

大定二年五月御史臺擬定朝參禮數蒙都省准行下

項五品已上官職趨朝自来依制服朝服若赴省入局

治事並各展阜自来朝參除殿前班外若遇朔望自七

品已上職事官盡赴其餘朝日自五品已上職事官得

赴六品已下只於本司局治事如左右司員外郎侍御史記注院等官職雖不繫五品亦合並赴朝叅外拜詔等禮數自来但有職事并七品已上散官並赴及前來每遇朝日已是七品已上職事官並赴緣禮部先擬七品已下流外職並入宮各於本幕次內治事更不朝叅外拜詔等禮數散官職事但繫七品已上者並赴今契勘四月三日臺官奏奉勅旨每遇朝叅百官職得將帶合得人從入宮外吏員令譯史通事檢法各於本局

等候官員朝退後赴各司局簽押文字更不得依前宮
內簽押文字今擬七品已下流外職遇朝日亦不合入
宮只於本司局治事如左右司都事有合須取奏事理
令行入宮七品已上職事官依准自來條例如遇使客
朝叅見日依朔望日並赴據元日聖節及拜詔并遇車
駕出獵送迎詣祖廟燒餼亦擬依准自來但有職事并
七品已上散官並赴并再檢照到正隆元年二月二十
八日海陵庶人旨諸赴朝叅官除殿前外若遇每月朔

望可七品以上職事官盡赴其餘朝日自五品以上職事官得赴六品以下只於本司局治事如左右司員外郎侍御史記注院等官雖不繫五品亦合並赴但朝參官並宰執今即七品已上職事官常朝日並赴伏乞尚書省詳酌蒙批送本臺勘當端的本臺點到大定二年二月二十一日勅旨倉場庫務監當酒稅七品已下今月二十一日為頭便不赴朝參今再勘當到上件七品職事官除倉場監當酒稅官合依已降勅旨施行外其

餘七品職事官擬常朝日並赴

今常朝儀

親王班退七品已上職事官分左右班入至丹墀兩拜
班首離位少前復位再兩拜宰執升殿餘官分班出

朔望儀

朔旦拜日訖常朝官并府運六品已上官並左入至丹
墀之東向西向躬身閤門通唱訖引至丹墀舞蹈五拜又
兩拜訖右出望日如上儀唯不拜日

雜錄

天眷三年閏月一日奏稟生辰正旦花宴亡遼時合用
山樓一座奉勅旨依例起蓋

貞元二年正月山樓以萬春山為名

大定五年二月二十一日學士院撰擬到壽山名額奉
勅旨以仁壽山為名

二十二年正月四日勅旨今後綵山正旦以仁壽山為
名萬春節以萬春山為名

皇統二年六月二十三日擬奏自古無伶人日赴朝參之例所有教坊人員只合準備宣喚不合同百僚赴起居從之

皇統二年十二月十一日擬奏司天太醫提點及長貳官合日叅其長行七品已上止合元日慶節及人使見辭日朝從之

大定二年四月二十九日奏稟權貨務使繫合赴朝叅若候朝退出宮緣本務發賣鹽鈔竊慮注滯客旅今擬

除朔望外子免朝參從之

大定二十四年六月禮部會勘到大定二年三月二日
大興尹面奉勅旨府運兩司文字繁多每遇月一日十
五日朝參外免常朝今即車駕幸上京其會寧府官并
所轄七品已上職事官比依前項所奉勅旨亦合免常
朝并據會寧府申朔望慶元宮行禮更赴朝參兩處難
迭下太常寺參酌到會寧府官朔望於慶元宮合質明
行禮畢赴朝參


大定二年十一月一日奏定隨朝職官遇迎拜詔書頒降歷日接送車駕享祀祖廟等處不到者當月俸內三

分內尅一

此譯到字不同

大定二年正月一日承省劄刑部呈并御史臺申今若有省部諸局執事官員不赴并遇拜日拜詔迎送車駕出獵詣祖廟燒餼亦有不到官員還如何懲罰本部今擬隨朝職事官并七品以上散官每遇拜日拜詔送迎車駕行查詣祖廟燒餼及省部諸局治事官員不赴者

將當月請奉將三分每尅罰一分七品以上散官不在
拜日之限臣等商量若准所擬是為相應奏訖奉聖旨
准奏行



大金集禮卷四十